

各國新聞

◎日本擬設庫頁沿海電線 日本政府因日人赴俄屬沿海營業者日見增多商之俄政府擬於庫頁島安設海底電線接連各海岸以通消息已經勘定線路惟籌款甚鉅現又擬改由俄屬庫頁島之亞歷山士拉弗斯機埠直接與俄陸路電線以期費用省而成功速刻下兩國政府正在商辦

◎創用氣球載客 美國工業家杜慈遜及維巴二氏現創造輕氣球搭載客商之法已於去年夏間在紐約克埠設立公司開辦實開以來未有之創舉聞其啓行之地定於該埠哇泥池公園行至半途在布羅士魏埠休息一次更駛向格尼昂兩處相距計有二十英里加算中途休息時刻往來不過兩點鐘途中毫無危險之處近又築造約高百尺之月台以充搭客升降之用惟一球祇准搭客三十名故其出入款項不足以相抵幸其目的在貢獻學界兼博創辦之名譽故資本損耗不計也

◎中國留日學生學費由日銀行代發 留學日本東京之中國官費學生現已達二千八百名聞每人每月應給三十元或三十六元不等此款向歸中國使館發給嗣以收票發款各事異常繁雜遂改由日本興業銀行代辦現學生等携官費之匯票均至該銀行兌換銀元云

◎日本軍艦集合 日本鹿島島嶼云日本第一艦隊演習係以宮崎縣志布志灣近海為根據地故軍艦數目已先入港旗艦香取號及鹿島號間常警出雲等現亦入港警手對馬及驅逐艦有明號等十四艘亦已至彼投錨是夜即以探海電燈探照以防假設之敵來襲志布志灣頭平日其為寂寞今大小兵艦忽集至二十二艘之多遂極壯觀該艦隊擬俟某驅逐艦隊入港後然後會同出港云

◎美國宣布移民新律 上海字林西報接十六日東京電云美國新定之移民律已定於二十一日(即禮拜三)在東京宣布

◎美國加利佛尼亞水災 字林西報接東京電云美國加利佛尼亞省忽遭水災而薩喀拉慢都與聖佐昆兩山谷受害尤烈計有園田一萬英畝皆被浸沒刻下海軍竭力籌劃捐款賑濟難民云

◎日員定期赴美 前紀美國及姆斯湯舉行祝捷會日本派定黑木大將及中將少將各一人前往赴會一節茲聞該大將等已定於西四月十七號(即華歷三月初五日)乘安藝丸由橫濱啓程前赴美國

◎奏議

東撫楊奏查明曲阜四氏師範學堂並無撤去監督妨礙學務情形摺

奏為遵 旨查明曲阜四氏師範學堂並無撤去監督妨礙學務情形據實覆陳仰祈 聖鑒事竊臣准軍機大臣字寄光緒三十三年二月初十日奉 上諭有人奏衍聖公孔令貽所辦師範學堂擬提學使撤去監督有妨學務等語著楊士驥查明確情據實具奏欽此遵 旨寄信前來查曲阜學堂臣於抵任後諭知該處僅有中學堂一區以地居聖里教澤未宏不足以資觀感時值衍聖公孔令貽來省臣與面商添設學堂於三十二年十月間籌措巨資就曲阜試院改建四氏師範學堂咨請衍聖公孔令貽總理以為四氏造就師資地步計每年商撥經費銀四千九百餘兩每月總督公費銀三百兩並籌購置書器擴充校舍各數千兩業經招生開辦在案該堂監督原由臣於秋間親赴曹州路過曲阜恭謁 聖陵時商明衍聖公孔令貽札委在籍內閣中書孔昭曾承充於去年五月間該監督因暑假回省不願再往嗣准衍聖公孔令貽來函請以兵部郎中孔繁裕接辦該堂監督經臣函允並催令孔繁裕回籍任事嗣後未准衍聖公咨覆而暑假已過辦事需人該郎中迄未到差始據提學使吳壽鏞詳請遴委曾任兗州警務學堂監督候補同知王宗蔭暫行承乏並經商明侯孔繁裕回籍仍以該郎中接辦監督事宜以期融洽臣查曲阜四氏師範學堂本由臣創辦籌款才艱費力豈肯稍令疏懈况該堂事宜均歸衍聖公孔令貽主持辦理歷次委派監提無不商准後委此次實因孔繁裕久未到差始經提學使委員接辦或者人知該堂監督已委孔繁裕因未到差遂生疑感而不知其迄未回籍實非督學使因事撤退已委同知王宗蔭於暑假後前往代辦更非懸差無人可比原奏所稱擬提學使撤去監督有妨學務等情當係誤會除咨衍聖公仍催孔繁裕到差外所有奉 旨查覆緣由謹恭摺據實覆陳伏乞 皇太后 皇上聖鑒謹 奏奉 硃批知道了欽此

奏為遵 旨查明曲阜四氏師範學堂並無撤去監督妨礙學務情形據實覆陳仰祈 聖鑒事竊臣准軍機大臣字寄光緒三十三年二月初十日奉 上諭有人奏衍聖公孔令貽所辦師範學堂擬提學使撤去監督有妨學務等語著楊士驥查明確情據實具奏欽此遵 旨寄信前來查曲阜學堂臣於抵任後諭知該處僅有中學堂一區以地居聖里教澤未宏不足以資觀感時值衍聖公孔令貽來省臣與面商添設學堂於三十二年十月間籌措巨資就曲阜試院改建四氏師範學堂咨請衍聖公孔令貽總理以為四氏造就師資地步計每年商撥經費銀四千九百餘兩每月總督公費銀三百兩並籌購置書器擴充校舍各數千兩業經招生開辦在案該堂監督原由臣於秋間親赴曹州路過曲阜恭謁 聖陵時商明衍聖公孔令貽札委在籍內閣中書孔昭曾承充於去年五月間該監督因暑假回省不願再往嗣准衍聖公孔令貽來函請以兵部郎中孔繁裕接辦該堂監督經臣函允並催令孔繁裕回籍任事嗣後未准衍聖公咨覆而暑假已過辦事需人該郎中迄未到差始據提學使吳壽鏞詳請遴委曾任兗州警務學堂監督候補同知王宗蔭暫行承乏並經商明侯孔繁裕回籍仍以該郎中接辦監督事宜以期融洽臣查曲阜四氏師範學堂本由臣創辦籌款才艱費力豈肯稍令疏懈况該堂事宜均歸衍聖公孔令貽主持辦理歷次委派監提無不商准後委此次實因孔繁裕久未到差始經提學使委員接辦或者人知該堂監督已委孔繁裕因未到差遂生疑感而不知其迄未回籍實非督學使因事撤退已委同知王宗蔭於暑假後前往代辦更非懸差無人可比原奏所稱擬提學使撤去監督有妨學務等情當係誤會除咨衍聖公仍催孔繁裕到差外所有奉 旨查覆緣由謹恭摺據實覆陳伏乞 皇太后 皇上聖鑒謹 奏奉 硃批知道了欽此

直督袁奏道員在差積勞病故懇恩從優議卹摺

為道員在差積勞病故援案懇 恩准從優議卹恭摺仰祈 聖鑒事竊查二品銜直隸補用道孫多鑫安徽壽州舉人自為諸生即有志經世尤究心於兵事財政光緒十五年以前漕運督臣李瀚章調充營務文案嗣復隨至兩廣仍佐戎幕入籍文牘出賃軍謀朝夕勤劬機宜悉協時海防緊要餉需艱難該道請援照巡緝經費辦法勸商認繳歲增入款至三十餘萬兩之鉅甲午中日事起隨同前督臣李瀚章巡視虎門黃埔部署水陸防務馳驅於瘴雨蠻烟之地涉歷於驚濤駭浪之中凡所為規地形調營壘增台壘轉餉械一切戰守之備靡不先事籌維心力交瘁李瀚章深倚賴之二十二年復因辦理文報出力叙功由知府保至道員該道高日時艱益自奮勵嘗慨中國之弱由於積貧致然因思調查各國商業二十四年自備資斧游歷歐美遂在美國購置磨粉機器運回上海集資創設麵粉公司冀以提倡華商其熱心公益如此三十一年臣檄調來直派委經理天津銀號總辦造幣北分廠會辦唐山洋灰公司等差時值防務嚴用款浩繁餉需不繼該道多方籌畫籌資

商款藉資挹注始克相機應付周轉無虞嗣因添募五六兩銀活支難款絲毫無著由臣奏明創辦公債飭令升任長蘆運司陸嘉穀會同該道設法勸募事屬創舉又值海疆不靖軍情疑沮之際該道悉心督佐竭誠招徠遂以短期集事經臣奏請留直補用並保加二品銜奉 旨以勞瘁過深上年冬間病歿差次據直隸司道等聯名稟請奏卹前來臣查該道志趣遠大才識闡通跡其實績或機協籌防勸勸勸者裨益良多又長於理財精於計學公家之利知無不為洵足為濟艱令器仍懷才未竟竟志以終追念前勞深堪悼惜伏查前辦揚州轉運局道員劉鍾靈王翬翎前辦北洋准軍銀錢所道員李竟成知府劉篤慶等均先後在差病故迭經奏奉 諭旨照軍營立功後積勞病故例從優議卹在案今該道事同一律合無籲懇 天恩俯准將該道孫多鑫援案照軍營立功後積勞病故例從優議卹以彰盡績之處出自 鴻施逾格除咨取履歷咨部外謹恭摺具陳伏乞 皇太后 皇上聖鑒訓示謹 奏奉 硃批著照所請該部知道欽此

- 北京學界調查會第一次簡明章程**
- 第一條 本會專調查內國學界及外國留學界現行規章實
 - 第二條 總會設於京師附會編印兼發行處支會設於各省及外國留學界會館附會編印兼發行處
 - 第三條 會員無定額亦無男女凡中學畢業或與有相當程度經會員推舉得會長及本人認可者充之
 - 第四條 會員每月至少須有報告書一次郵致總會
 - 第五條 會員報告書內所載事件本人須負其責任
 - 第六條 會員身家事故有關係者須隨時通知會長
 - 第七條 會員欲告退者須先寫具理由通知會長
 - 第八條 會員有不合之處經會員十人以上排斥者由會長除其名
 - 第九條 經理總會五人日編輯二人日書記日會計日庶務各一人由總會全會員互相選舉支會一人由該支會全會員互相選舉得會長及本人認可者充之
 - 第十條 經理欲告退者須先寫具理由并推舉代理得會長及本人認可或俟選舉接理既定後方得去任
 - 第十一條 經理有不合之處經各該會全會員三分之一排斥者由會長解其任
 - 第十二條 會長一人駐總會由總會全會員互相選舉得各支會及本人認可者充之
 - 第十三條 名譽會長無定額凡高等學堂監督或學界名宿經會員推舉得會長及本人認可者充之
 - 第十四條 總會經費均由會長籌辦
 - 第十五條 會報由總會採擇報告書編輯印刷每月一次
 - 第十六條 會報每次均呈請學部審閱
 - 第十七條 會報除分送每會員一分外由各發行處出售

理提取原價二成餘均匯致總會儲存

本埠進出口貨物調查表

張家口輪船二月二十一日由上海進口貨物

小竹竿	一萬八千三百二十件	竹板	四百七十六担
膠	一百三十六担	要器	八百担
白粉	一千八百七十五担	鮮薑	一百三十担
糖	三千四百八十八担	又	四十七件
頭號紙	六十三担	裁紙	一百六十二担
紙	九十一担	米	三千六百一十四担
白糖	二千八百零七担	水糖	四百三十五担
糖	九百四十二担	青鹽	八十担
舍利酒	十打	木板	五百件
雜貨	五千六百五十一件		

官陸輪船二月二十二日由上海進口貨物

英國白布	一千一百疋	英國本色布	一百疋
美國布	八十疋	扣布	二百八十五疋
土國紅布	七十五疋	餅乾	五百七十六箱
羽絨	二百三十五疋	孟買棉紗	二千零一十六担
牛奶	一百打	白粉	一百担
鐵板	二十四担	鐵線	二十四担
鐵釘	二十担	鐵錘	五十一担
藥材	二百兩	薑	二千一百四十件
牛奶	八十打	大布	十六担
印花紙	四十担	頭號紙	三十三担
米	八千二百五十担	青鹽	二十担
掛布	六十六疋	汽水	五十二打
本埠七件		鉛板	五十担

廣州輪船二月二十一日由廣州進口貨物

竹器	七十八担	綢緞	二十九担
桂枝	二十九担	燕窩	四千八百件
廣子	二百三十一担	藥材	一千二百零三兩
頭號紙	一百一十四担	裁紙	六百五十四担
紅糖	一千四百四十六担	甘蔗	二千一百九十五担
煙葉	九十担	木器	三十三件
雜貨	一百一十六件		

新昌輪船二月二十一日由上海進口貨物

大米	三萬零八百担		
森圖(Seng)	輪船	二月二十三日由日本進口貨物	
糖	五十八担	米	九十担
雜貨	一百一十五件	木料	五千四百四十六件